

漢
書
辨
疑
四





漢書辨疑

(四)

錢大昭撰

中華民國二十五年十二月初版

撰者 錢大昭

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

漢書辨疑
第四冊

王雲五主編
叢書集成初編

(本書校對者 楊靜齋 徐壽齡)

校

漢書辨疑卷十八

爰盎傳

陛下不交睫解衣。睫，古作眈。史記扁鵲傳云：忽忽承眈。說文：眈，目旁毛也。

願致前口對狀。致，南雍本閩本作至。

夫一旦叩門不以親爲解。案論語子路問聞斯行諸，包咸以爲賑窮救乏之事。子曰：有父兄在，如之何其聞斯行之。孔安國以爲當白父兄，不得自專。白虎通議亦云：朋友之道，親存不得行者二，不得許友以其身，不得專通財之恩。友飢則白之于父兄，父兄許之，乃稱父兄與之，不聽卽止。故曰：友飢爲之減飡，友寒爲之不重裘。然則以親爲解，行古之道也。

量錯傳

迺詔太常使人受之。太常，當作奉常。景帝中六年，改奉常爲太常，是時尚未改也。下云迺拜盎爲太常，亦誤。

四者國之至要也。國，南雍本閩本皆作兵。

具蘭石如渚。曰：蘭石，城上雷石也。惠士奇曰：雷石一作礮石。潘岳汧督誄詞：所謂礮以鐵鎖機關。旣縱礮而又昇焉是也。一名礮石，閒居賦云：礮石雷駭。注云：礮石，今之拋石。范蠡兵法：飛石重二十斤爲機。

發行三百步。說文：建大木置石其上，發以機以礮敵。一名旛。魏志謂之霹靂車，亦曰拋車。後世易石以火，號震天雷。蓋師雷石之遺意而加酷矣。

郡縣之民得買其爵以自增至卿。案樊噲賜爵卿，卿謂左庶長以上之爵。孟康以武功爵之樂卿當之，非也。說詳樊噲傳。

而勸之新色也。色當作邑。

廷尉臣宜昌。百官表逸其姓。

除苛解嬈。說文：嬈，苛也。

不擊諸侯。擊與襲同，謂不媒襲其短也。應劭謂不以庶孽畜之，非是。

張釋之傳

問上林尉禽獸簿。百官表：水衡都尉屬官，上林有八丞十二尉。

用紵絮斲陳漆其閒。斲，說文云：斬也。廣雅云：絕也。言櫛之隙處，斲紵絮以塞之。又以漆陳其閒也。

聞蹕匿橋下。說文：蹕，止行也。周禮：天官宮正及禮記：曾子問皆作蹕。蹕，非古字。

且方其時上使使誅之則已。魏志：王肅傳載肅之言曰：廷尉者天子之吏也，猶不可以失平，而天子之

身反可以惑謬乎？周公曰：天子無戲言，言則史書之，工誦之，士稱之，言猶不戲，而況行之乎？子雍以釋之，此語爲有病則可，至詆釋之爲不忠之甚，則謬矣。

與梁相山都侯王恬 功臣表作王恬啟 史記作王恬開 此疑脫一字

馮唐傳

闐以內寡人制之闐以外將軍制之 闐漢紀作闐同案爾雅釋宮槩謂之闐郭璞曰門闐曲禮云由闐右李如圭云闐者門中所豎短木在地者也其東曰闐東其西曰闐西

滅澹林如淳曰匈奴傳云晉北有澹林之胡樓煩之戎 案如說非也匈奴傳但言林胡不言澹林魏尙槐里人也 魏尙無傳故于此記其里居亦猶公卿之無傳者表中書其里及其字也槐里右扶風縣

汲黯傳

至黯十世 十史記作七

臣過河內河內貧人傷水旱 河內史記俱作河南下同

陛下用羣臣如積薪耳後來者居上 文子曰虛無因循常後而不先譬若積薪燎後者處上也黯之言

蓋本諸此

縣官亡錢從民貰馬 昭帝紀始元四年詔曰往時令民共出馬其止勿出卽其事也

而文吏繩以爲闐出財物如邊關乎 說文闐妄入宮掖也从門絲聲如應劭臣瓚說則字當爲闐妄入

爲闐妄出亦爲闐也

臣常有狗馬之心。有閩本作存。

過大行李息。大行下當有令字。

司馬安爲淮陽太守。司馬安疑卽汲黯姊子。

賈山傳

今陛下念思祖考術追厥功。術與述同。孫炎注爾雅云。述。古述字。術追猶詩言述追來孝也。

又選其賢者使爲常侍諸吏。諸吏中常侍皆加官。中常侍得入禁中。諸吏得舉法。

憐其衣赭書其背。後漢鄴令甄邵諂事梁冀。有同歲生得罪于冀。亡奔邵。邵陽納而陰告冀。冀捕殺之。

邵當遷爲郡守。而其母死。乃埋尸馬屋。先受官而後發喪。及冀誅而河南尹李燮遇邵于塗。使卒投車

溝中。笞捶亂下。大署帛于背曰。詔貴賣友。貪官埋母。乃具表其狀。廢錮終身。此罪人書背之事。

鄒陽傳

交龍襄首奮翼。交。文選作蛟。交蛟古今字。

武力鼎士。衽服叢臺之下。說文。衽。元服。元服卽衽服也。說文。衽字在新附中。篆書衽與衿相似。故亦謂

之均服。左傳僖五年。均服振振。服虔以均服爲黑服。古戎服尙黑。戰國策左師觸龍曰。老臣賤息舒祺。

願令補黑衣之數。以衛王宮。注云。黑衣戎服。

壤子王梁代。壤當作臙。晉灼引揚雄方言作壤。今本方言作臙。郭璞注云。肥臙多肉。說文解字。臙。益州

鄙言人盛諱其肥謂之臄。

范雎拉脅折齒於魏。拉文選作摺。案春秋公羊傳莊元年拉幹而殺之。史記公子彭生抱魯桓公上車。

摺其脅。揚雄傳解嘲云。范雎以折摺而危穰侯。晉灼曰。摺古拉字。

然則軻滿七族要離燔妻子。閩本則下有荆字。

蟠木根柢輪困離奇。蟠卽播字。說文播木也。讀若樊。

秦皇帝任中庶子蒙之言。蒙非名也。脫嘉字。史記及文選竝作蒙嘉。

牽帷廡之制。廡文選作牆。

爲其以生易死以存易亡也。此用公羊傳也。當引以注之。

枚乘傳

乘奏書諫曰。臣聞得全者全昌。案說苑正諫篇云。孝景帝時。吳王濞反。梁孝王中郎枚乘字叔聞之。爲

書諫王。其辭曰。君王之外臣乘。竊聞得全者全昌云云。此言爲吳郎中諫而不納。乃去之梁。與說苑不

同。攷鄒陽傳亦云。吳王濞招致四方游士。陽與吳嚴忌枚乘等俱仕吳。疑說苑誤也。

欲湯之滄。周書周祝解云。天地之間有滄熱。

泰山之雷穿石。說文雷屋水流也。

單極之統斷幹。此句說苑作引繩久之。乃以挈木。統與綆同。左傳襄九年具綆缶。杜云。綆汲索。幹注當

作韓井垣也。从韋，取其帀也。軌聲。井韓是井上木欄，久汲爲綆，契斷。

不如海陵之倉。海陵屬臨淮郡。

魯東海。魯，漢紀作虜。

路溫舒傳

鉅鹿東里人也。東里，蓋鉅鹿縣之里名。

元鳳中，廷尉光公卿表。元鳳六年，有廷尉李光。

鑿者不可復屬。說文：鑿，古文絕象，不連體，絕二絲。

遷廣陽私府長師。古曰：天子曰少府，諸侯曰私府。案顏說非也。漢制諸侯王國亦有少府，不名私府。百

官表詹事、中長秋、私府令、長丞皆屬焉。然則私府皇后之官也。諸侯王之后亦有之耳。

贊賈山自下廁上。說文無廁字。古作摩。易繫詞云：剛柔相摩。京房曰：摩，相磴切也。

寶嬰傳

梁人高遂乃說嬰曰：案韓安國傳云：於梁舉壺遂，臧固高遂，疑卽壺遂之譌。

魏其沾沾自喜耳多易。沾卽貼字。說文：貼，小弱也。一曰：女輕薄善走也。一曰：多技藝也。言魏其自以爲

多技藝而輕薄自喜，不勝丞相之任。

田蚡傳

蚡以肺附爲相。作肝肺附著解。則字當从肉。作斫木札解。則字當作柿。从木。說文柿。削木札撲也。陳楚謂櫝爲柿。芳吠切。後漢書楊由傳。風吹削肺。亦借用肺肝字。

召客飲坐。其兄蓋侯北鄉自坐東鄉。案蓋寬饒傳。從西階上東鄉特坐。亦言其自尊抗之意。王尊傳。尊劾奏丞相衡與中二千石大鴻臚賞等會坐殿門下。衡南鄉。賞等西鄉。衡更爲賞布東鄉席。起立延賞坐。衡設不正之席。使下坐上。相比爲惠於公門之中。亂朝廷爵秩之位。樓護傳。坐者百數皆離席伏。護獨東鄉正坐。

故嬰墨墨不得意。案墨與默通。書說命。恭默思道。古文尙書作囁。史記賈生傳。吁嗟囁囁兮。漢書作默。默。師古曰。默。默不得意也。孫叔敖碑云。其意常墨墨。隸釋云。以墨爲默。魏受禪表。寬容淵囁。以囁爲默。說文默。犬暫逐人也。讀若墨。

灌夫傳

迺效女曹兒。咕囁耳語。咕囁。猶譟囁也。東方朔七諫云。喜譟囁而妄作。王逸注云。譟囁。小語謀私貌。與太后家迂。迂。古文作𠂔。說文。𠂔。逆也。

韓安國傳

安國以五百金遺蚡。潛夫論云。韓安國能遺田蚡五百金。而不能賑一窮。

卽召以爲北地都尉。案北地有兩都尉。北部都尉治神泉障。渾懷都尉治塞外渾懷障。

聚之廣武常谿 廣武地理志屬太原張晏云雁門縣非也後漢方改屬雁門

景十三王傳

山東諸儒者從而遊者閩本作多

冀州刺史敞奏元事敞張敞也

魯安王光晚節遜易蒙初六以往吝許氏說文兩引之一曰吝恨惜也一曰遜行難也遜與吝通用王

莽傳云性實遜嗇亦此意廣雅云遜遜也

建異母弟定國爲淮陽侯淮陽表作淮陵

膠西于王端爲人賊鑿說文鑿弼戾也讀若戾

議者勿冤鼂錯之策勿當作多

昧不泰山泰山上脫見字

長沙孝王薨子魯人嗣王莽時絕案諸侯王表於魯人之下云居攝元年舜嗣二年王莽篡位貶爲公

明年廢

又告中尉蔡彭祖捕子明案西熊侯明廣川惠王之子也當是繆王齊之弟傳作子誤孟康以爲彭祖

之子名明失之遠矣

其殿門有成慶畫短衣大袴長劍後代之有門神濫觴於此

崔脩成爲明貞夫人主永巷 永巷二字誤。南雍本閩本皆作衣服。

李廣傳

用堅其意有白馬將出護兵 閩本無有白馬將出護兵七字。非也。

與故潁陰侯屏居藍田南山中 時潁陰侯灌彊以有罪免侯。故曰故也。

今將軍尙不得夜行何故也 言卽見爲將軍。亦不許其夜行。況故將軍乎。

有功中率 中率中首虜率也。上文云諸將多中首虜率爲侯。

單于遮其後乘隅下壘石 陵居谷中。虜在山上。故以壘石投之。亦謂之藺石。鼂錯傳云具藺石。服虔曰

藺石可投入石。如瘡曰藺石。城上雷石。

立政等見陵未得私語卽目視陵 高帝紀呂公因目固畱高祖。亦此意。

蘇建傳

因厚輅單于 輅閩本作賂。

皇后父平恩侯 許廣漢也。水經注作許伯。

衛青霍去病傳

平陽侯曹壽尙武帝姊陽信長公主青壯爲侯家騎從平陽主又云初青旣尊貴而平陽侯曹壽有惡疾

就國長公主問列侯誰賢者左右皆言大將軍主笑曰此出吾家常騎從我奈何左右曰於今尊貴無

比於是長公主風白皇后。后言之上，迺詔青尚平陽主，與主合葬。案史記曹參世家：時尚平陽公主生子襄，時病癘歸國。襄尚衛長公主。史公言病癘，與傳所云惡疾適合。則尚陽信主者，似是曹時矣。又攷功臣表：曹參薨，靖侯咎嗣。孝文後四年薨。簡侯奇嗣。孝景四年薨。夷侯時嗣。元光五年薨。共侯襄嗣。衛青於元朔二年封長平侯。元狩四年爲大司馬。所謂列侯尊貴無比。當在此時。而本傳元狩四年令青出定襄。平陽侯襄爲後將軍，屬大將軍。以時勢度之，曹壽當卽曹襄也。襄古作襄，壽古作𡗗。因襄字有𡗗，而譌爲壽耳。若依史記之說，以襄爲平陽公主之子，則襄尚襁褓中，不能爲後將軍。以尚平陽公主者爲曹時，則元光時青尚未封侯，不得言列侯，更不得言尊貴無比也。

代相李蔡爲輕車將，代王義之相也。

大行李息，大行下當有令字，下同。

子登爲發干侯。西京雜記云：衛將軍青生子，或有獻驕馬者，乃命其子曰驕，字叔馬。其後改爲登，字叔升。

都尉韓說從大軍出窰渾，從大下當有將字。

議郎周霸等。案議郎是郎中令屬官。大將軍莫府中不得有此官，疑卽從事中郎之類。

捕季父羅姑比，再冠軍師。古云比頻也。小司馬引顧氏說，以羅姑比爲單于季父名，與顏小異。揚武乎鱒得。鱒當作鰈。注同。地理志作鰈，說文鰈，角也。張掖有鰈得縣。

誅獍悍師古曰獍字或作趨。趨字是說文行輕兒。

主爵趙食其爲右將軍。主爵下當有都尉二字。

於是青令武剛車自環爲營。司馬彪與服志云吳孫兵法云有巾有蓋謂之武剛車。

漢益縱左右翼繞單于。案李廣傳云廣令其騎張左右翼。後漢書耿弇傳弇知步困將退豫置左右翼。

爲伏以待之。段熲傳熲令軍中張鍃利刃長矛三重挾以強弩列輕騎爲左右翼衆皆騰赴。熲馳騎于

傍突而擊之。虜衆大潰。公孫瓚傳瓚常與善射之士數十人皆乘白馬以爲左右翼自號白馬義從。袁

紹傳云瓚兵三萬列爲方陳分突騎萬匹翼軍左右其鋒甚銳蓋古有此陣法。

悉以李敢等爲大校當裨將。此李敢非李廣之子郎中令也。廣子早爲票騎將軍去病射死蓋別是一

人。

所獲董允之士。董充卽獍狁也。董獍聲相近。

上爲遣太官齋數十乘。太官屬少府主膳食之官。

并之二萬二百戶。以數計之當是萬二百戶。

張次公河東人。酷吏傳云義縱少年時嘗與張次公俱攻剽爲羣盜。

董仲舒傳

必推之於大衰而後息與。衰漢紀作中疑是衷字之譌。

臨淵羨魚不如蛛而結網。蛛南雍本閩本竝作退。

功烈休德未始云獲也。云閩本作亡。

異貴賤而勸有德也。勸有德閩本作觀德二字。

共是天下古亦大治。亦閩本作以。

黨可得見乎。黨古儻字。伍被傳黨可以傲幸是也。

則民不樂生民不樂生。閩本四字不重。

與大夫泄庸種蠶。泄庸漢紀及人表竝作后庸。

故求雨閉諸陽縱諸陰其止雨反是。求雨止雨之法詳見春秋繁露。

仲舒弟子呂步舒。五行志上思仲舒前言使仲舒弟子呂步舒持斧鉞治淮南獄以春秋誼顓斷于外。

不請。

司馬相如傳

素與臨邛令王吉相善。此王吉非琅邪王子陽。

是時卓王孫有女文君新寡。西京雜記云文君姣好眉色如望遠山臉際常若芙蓉肥膚柔滑如脂十

七而寡爲人放誕風流故悅長卿之才而越禮焉。

相如與馳歸成都家徒四壁立。西京雜記云司馬相如初與卓文君還成都居貧愁懣以所著鸕鶿裘

就市人陽昌貰酒，與文君爲懽。旣而文君抱頸而泣曰：「我生平富足，今乃以衣裘貰酒，遂相與謀於臨邛賣酒。」相如親著犢鼻褌，滌器以恥王孫。王孫果以爲病，乃厚給文君。文君遂爲富人。

子虛過姤，烏有先生師古曰：「姤字本作詔。」案李善作「姤」，史記及五臣竝作「詔」，「姤」字誤作「詔」者，形相近而譌也。說文詔，沈州謂欺曰詔。

罽罽彌山 說文罽，兔罽也。玉篇罽同罽。

岑峯參差日月蔽虧 江淹雜體詩：「岑峯還相蔽。」李善引郭注方言云：「岑，峯峻兒。」

璊玊元厲 璊玊，說文作玲璊，云石之次玉者。

礪石武夫 礪當作硲。說文硲，石次玉者。山海經中山經云：「扶豬之山，其上多硲石。」

穹窮昌蒲 說文營，營窮，香艸也。司馬相如說營，或从弓。所引司馬氏說，卽謂此賦也。字當作芎。

江離蘼蕪 說文蘼，楚謂之離，晉謂之蘼，齊謂之葳。是三者同物異名。說文又云：「離，江離，蘼蕪。」許君蓋引

子虛賦文，非謂江離卽蘼蕪也。

則生葳析苞荔 說文苞，艸也。南陽以爲麤履。又云：「荔，艸也，似蒲而小，根可作刷。」

注蘇林曰：「析音斯。」脫二字。文選注音斯歷反。

外發夫容蔭華 夫容，古字。揚雄傳云：「被夫容之朱裳。」後人始加艸。

毒冒鼈龜 毒，冒古字。爾雅注作「毒瑁」。釋文云：「字又作疇帽。」從玉從甲，皆後人所加。

微胤受黜。胤當作飢。說文飢相隣飢也。作疲極解。當作憊勞也。今之劇字。

被阿錫。錫文選作緡。古字通。說詳禮樂志。

粉粉排排。說文粉。長衣兒。裴。長衣兒。今人以裴爲氏。非也。氏族之裴。古用霰。

翕呬萃蔡。李善注嵇康琴賦。引作翕呬翠粲。古蔡與粲通。粲乃蔡字之譌。

礪石相擊琅琅礧礧若雷霆之聲。楚詞九思云。雷霆兮礧礧。說文礪石聲。礧。石聲。皆本此。

觀乎成山張揖曰。觀闕也。兒子東垣曰。案詩唐風有杕之杜。云。噬肯來游。毛傳訓游爲觀。孟子云。吾何

修而可以比于先王觀也。趙岐訓觀爲游。此觀字亦當作游字解。方與下文三句相協。張揖。郭璞。張守

節。李善竝以觀爲闕。非也。

適足以卑君自損也。卑當作叟。史記作貶。說文叟。傾覆也。杜林說。以爲貶損之貶。

漸胡穀蛭。胡。說文作蠃。云。斬蠃鼠。黑身白要。若帶。手有長白毛。似握版之狀。類蟻蝓之屬。穀當作穀。說

文犬部。穀。犬屬。要。以上黃。要。以下黑。食母。猴讀若構。

夭矯枝格。格。說文作格。云。枝格也。从丰。各聲。淮南說林訓。枝格之屬。有時而弛。庾信小園賦。枝格相交。

草樹混淆。皆是格字。

泰山爲櫓。劉屈氂傳。以牛車爲櫓。與此同意。

越壑厲水。厲。卽履石渡水之礪。